



Yãmb sã n wum laandãan boaandã sën boonde, bɪ y yeel wala a sën yetã, rë poorë bɪ y puus maam

Yii a 'Abdullaah [bn 'Amr nengë (Wënd yard be b yiibã yĩnga) t'a wuma Nabiyaamã (Wënd puusg la A tulgr be a yĩnga) t'a yetë: «Yãmb sã n wum laandãan boaandã sën boonde, bɪ y yeel wala a sën yetã, rë poorë bɪ y puus maam, ad ned ning sën puusa maam puusg a yembre, Wënd rond-a lame ne puusg-kãngã, puusg piiga, rë poorë bɪ y kos Naab A Wënd dargɛ zënkdgã n kô-ma, bala a yaa dargɛ sën be arzãn pugë, ned ka sômb ne-a rënda yamb a yembr sën yi Wënd yembsã pugë, tɪ mam nong n rat tɪ yɪ maam, rënd ned ning sën kosa dargɛ zëkdgã n kô maam, mam sugsgã na n paama a soabã».

[Naşun Şahuhun (Gom-sikdem sën manege)] [A Muslim n togs-a]

Nabiyaamã (Wënd puusg la A tulgr be a yĩnga) a wilgda ned ning sën wumda laandãan boaandã, t'a yeel n pug-a wala a sën yetã, sã n ka: Hayya'alaah" a yiibã, a sã n yeel rãndã, yë yetame: " Laahawla walaa kuwwata ullaah billaah", rë poorë t'a puus Nabiyaamã (Wënd puusg la A tulgr be a yĩnga) a sën wat n sɛ laandãanã, rënd ned ning sën puusa Nabiyaamã (Wënd puusg la A tulgr be a yĩnga) puusg a yembre, Wënd puusda a yĩnga, puus-rãmb piiga, la Wënd puus A yambã vöore, yaa A sën na n pëgd a yambã Malegsë wã. Rë poorë tɪ Nabiyaamã (Wënd puusg la A tulgr be a yĩnga) sagle tɪ b kos Wënde, dargɛ zëkdgã n kô-a, yë me yaa dargɛ sën be arzãnã pugë, yë n tug n yud ne zëkre, a ka sômb, rënda ne Wënd sën yols dargɛ-kãngã n kô yamb ningã, a yembr tãa Wënd yembsã fãa gill pugë, (A Naam zëkame), la mam tëedame tɪ Nabiyaamã (Wënd puusg la A tulgr be a yĩnga), a yeela rënda gãneg m menga, bala sã n mikame tɪ dargɛ zëkdg-kãng ka na n yɪ rënda nin-yenga, nin-kãng soaba ka yɪt zëng rënda yënda, (Wënd puusg la A tulgr be a yĩnga) bala yaa yënd la bon-naandsã sën yud zislem. Rë poorë tɪ Nabiyaamã (Wënd puusg la A tulgr be a yĩnga) vëneg n wilgd tɪ ned ning sën kos n kô Nabiyaamã (Wënd puusg la A tulgr be a yĩnga) dargɛ zëkdgã, yënda sugsgã na n paam-a lame, (Wënd puusg la A tulgr be a yĩnga).

<https://sunnah.global/hadeeth/mos/show/65087>

